

Na osnovu Naredbe Kriznog štaba Ministarstva zdravstva Kantona Sarajevo, broj:45-20/20 od 04.07.2020. godine, direktor donosi:

KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)

Ovim Kriznim planom Javne ustanove Narodno pozorište Sarajevo(u daljem tekstu: Pozorište) utvrđuju se preventivne mjere u cilju usmjeravanja radnika Pozorišta u okolnosti izazvane pojavom koronavirusa (COVID-19). Plan sadrži tri cjeline kako slijedi:

I Radnici Pozorišta

- **smanjenje fizičkog kontakta**

Radnici Pozorišta su u obavezi da smanje broj direktnih kontakata, posebno na udaljenosti manjoj od dva metra. Scenski izvođači posebno da vode računa o bliskim kontaktima i da se strogo pridržavaju fizičke udaljenosti od 2 metra.

- **smanjenje radnih sastanaka**

Radnici Pozorišta su u obavezi da održavaju sastanke video vezom, pojačati telefonsku i e-mail komunikaciju. Preporučuje se da se svi sastanci u Pozorištu održavaju on line, ili kada je to neophodno, u zatvorenom prostoru sa ne više od 3 osobe uz obavezno nošenje maski i poštivanje fizičke distance od najmanje 2 metra.

Sastanci članova Komisija, Upravnih i Nadzornih odbora održavaju se na način da se poštuju mjere fizičke distance i obavezno nošenje zaštitnih maski.

U slučaju neophodne potrebe može se organizovati rad od kuće ukoliko takva mogućnost postoji.

- **praćenje kontakata**

Radnici Pozorišta su u obavezi da vode računa o osobama sa kojima su u zadnjih 48 sati bili na manjoj fizičkoj udaljenosti od 2 metra i vremenski period duži od 15 minuta („bliski kontakt“). Istovremeno su dužni da zapamte kontakt osobe ukoliko bude potrebno da te podatke saopšte zdravstvenim radnicima.

Svi radnici Pozorišta obavezni su u slučaju pojave simptoma zaraze korona virusom (povišena temperatura / suhi kašalj), ostati kod kuće, te o tome obavijestiti nadležnu zdravstvenu ustanovu i poslodavca. Na isti način dužnost svih radnika je postupiti i u slučaju kontakta sa osobom oboljelom od korona virusa.

- **Samoizolacija bolesnih**

Svi radnici Pozorišta u obavezi su ostati kod kuće u slučaju pojave simptoma bolesti uzrokovane zarazom (temperatura, kašalj). Ako su bili u kontaktu sa osobom oboljelom od koronavirusa ili su se vratili iz područja u kojima je registrovana pojava koronavirusa, dužni su odmah obavijestiti nadležnu zdravstvenu ustanovu i poslodavca.

II MJERE HIGIJENE

- Ulazak u ustanovu

Obavezuju se svi radnici i posjetioći Pozorišta da prije ulaska u Pozorište dezinfikuju obuću u dezabarijeri postavljenoj na ulazu u Pozorište, da dezinfikuju ruke sredstvom za dezinfekciju postavljenim na ulazu u Pozorište, uz nošenje maske za lice i održavanje fizičke distance u svim smjerovima najmanje 2 metra.

- Higijena

Svi radnici su dužni pridržavati se mjera higijene izdatih od nadležnih institucija koje podrazumijeva redovno pranje ruku.

- Provjetravanje, čišćenje i dezinfekcija prostora

Zajedničke prostorije obavezno je provjetravati dva puta dnevno najmanje pola sata uz nadzor ulaznih vrata tamo gdje je potrebno, kako bi se spriječio ulazak osoba bez nadzora. Kvake na ulaznim vratima obavezno treba dezinficirati što češće.

Najmanje jednom dnevno će se dezinficirati električni prekidači u zajedničkim prostorijama, kvake u zajedničkim prostorijama i kancelarijama, rukohvati u hodnicima, telefoni u zajedničkim prostorijama i kancelarijama.

III UPRAVLJANJE KRIZNOM SITUACIJOM

Direktor Pozorišta je ovlaštena osoba za praćenje i nadzor nad upravljanjem kriznom situacijom i poduzmanje neophodnih aktivnosti u vezi sa sprečavanjem širenja zaraze u prostorijama Pozorišta, donošenjem potrebnih radnih upustava ili instrukcija.

Nepridržavanje mjera utvrđenih ovim Kriznim planom od strane radnika i posjetilaca Pozorišta predstavlja kršenje Zakona o zaštiti stanovništva od zaraznih bolesti („Sl. Novine FBiH“, broj:29/05).

NAPOMENA: Ovaj krizni plan mijenjat će se i dopunjavati shodno preporukama i naredbama nadležnih organa.

Sarajevo, 16.7.2020.

Broj: 05-2466/20

Dostaviti:

- Oglasna ploča
- Web stranica
- a/a

